

謝宣城集序

宣人梅鼎祚禹金謨

宣城故股肱郡蓋玄暉太白賓主而地

紀益章余登敬亭其上有謝李祠云

彼太白目無注古乃獨中好玄暉不

帝其口出自後世布侯於唐體而

於古漸失其原其六代以還靡一爾



此所謂矜齊盟而臨滕薛五十里之國  
敢不敵賦是從要以其精鑿于致而藻  
績于詞去輓近不霄壤哉謝氏康樂  
玄暉最著玄暉風華映人發端矯  
厲評者以其調俳而氣令康樂語排  
而氣實古不佞頗有味乎其言及按史  
所為眺傳進退若不能舉退若不能

類非玉卮無當者而亂之也則言  
以為階即以概於玉款則或六義  
所在耳其卒以不免自唯天道之不  
可昧豈中國有所市而陽名高也者乎  
非不佞敢知矣叙曰眺齊時為宣城內  
史史佚載人迄今號謝宣城云謝宣城  
集五卷郡司理史公以不佞糾其遺謬



授副墨之子先繇宋樓東陽而嘉靖  
中任丘黎庶凡三為役矣司理公屬書  
離辭壹意古昔茲役也唯其有之然  
此詩賦爾它文五卷余讀其辭隨王  
箋與敬皇后哀冊未嘗不賞其整編  
也東陽顧一切弁髦之嘆夫文之難與言  
也殆如此萬曆己卯臯月

### 謝宣城集序

宣城集舊十卷宋以後止傳其詩賦  
五卷其五卷者皆當時雜文不如詩  
故不傳也劉侯知武功之二年一日  
來許西別業見宣城集歎曰古之言  
詩者以曹劉鮑謝今曹鮑刻本矣顧  
獨無劉謝幸親與見謝今已不刻如



謝宣城集序  
後世絕之者自余為何刻成予撫卷  
大息曰嗟乎宣城詩盛傳於當時及  
於後世且千有百年也由昭代以來  
且百有數十年也亦莫不咸愛其詩  
思見其集顧奚無一人刻彼豈弗知  
不愛也利私見夸耀掩昧希乏為勝  
爾本即多差謬隨王鼓吹曲與樂府

所載頗異他何可言哉或曰此集本  
或其質直蓋不然自開成以來詩人  
務以奇靡鑽研為巧雖當世名作如  
李杜弗學之矣又安肯軼代越世哉  
故雖刻本亦少好古之士或往往抄  
錄備種數爾固無由不謬也劉侯名  
紹字繼先濮人



正德辛未六月庚辰武功康海序

謝宣城集跋

宣城集者集宣城守謝朓作也謝之作盛于當時及于後世竊疑近時罕刻本以傳之丙申冬秣卿于曹峰有事是地出是集以授予覽乃刻自武功喜歆新之而宣庠貢生遂呈抄本以校夫集以宣城名其刻于宣城宜



也顧乃刻于武功者亦足以見愛慕  
人心之所同宜刻于宣城而宣城久  
無傳者豈其秘錄私藏珍重獨得也  
耶於是付諸梓期與宣城竝傳不朽  
噫謝公芳聲流布迄今耿耿不磨其  
所以傳之者恐不待托于物但因托  
之物者或可以為所傳之證也其於  
所以傳之者未必無助

嘉靖丁酉秋七月任丘警菴黎晨跋



謝朓傳

蕭子顯撰

謝朓字玄暉陳郡陽夏人也祖述具興太守父諱散  
騎侍郎朓少好學有美名文章清麗解褐豫王大尉  
行參軍度隨王東中郎府轉王倫衛軍東門祭酒太  
子舍人隨王鎮西功曹轉文學子隆在荊州好辭賦  
數集僚友朓以文才尤被賞愛流連晤對不捨日夕  
長史王秀之以朓年少相動密以啓聞世祖敕曰侍  
讀虞雲自宜恒應侍接朓可還都朓道中爲詩寄西  
府曰常恐鷹隼擊秋菊委嚴霜寄言尉羅者寥廓已



高翔遷新安王中軍記室眺牋辭子隆曰云尋以本  
官兼尚書殿中郎隆昌初勅眺接北使眺自以口訥  
啓讓不當不見許高宗輔政以眺爲驃騎諮議領記  
室掌霸府文筆又掌中書詔誥除祕書丞未拜仍轉  
中書郎出爲宣城太守以選復爲中書郎建武四年  
出爲晉安王鎮北諮議南東海太守行南徐州事啓  
王敬則反謀上甚善賞之遷尚書吏部郎眺上表三  
讓中書疑眺官未及讓以問祭酒沈約約曰宋元嘉  
中范晔讓吏部朱脩之讓黃門蔡興宗讓中書竝三

表詔荅具事死然近世小官不讓遂成恒俗恐此有  
乖讓意王藍田劉安西竝貴重初不自讓今豈可慕  
此不讓邪孫興公孔顛竝讓記室今豈可三署皆讓  
邪謝吏部今授超階讓別有意豈關官之大小撝讓  
之美本出人情若大官必讓便與詣闕章表不異例  
旣加此謂都自非疑眺又啓讓上優荅不許眺善草  
隸長五言詩沈約常云二百年來無此詩也敬皇后  
遷祔山陵眺撰哀策文齊世莫有及者東昏失德江  
祏欲立江夏王寶玄末更回惑與弟祀密謂眺曰江



夏年少輕脫不堪負荷神器不可復行廢立始安年  
長入纂不乖物望非以此要富貴政是求安國家耳  
遙光又遺親人劉渢密致意於眺欲以爲肺腑眺自  
以受恩高宗非渢所言不肯荅少日遙光以眺兼知  
衛尉事眺懼見引即以祐等謀告左與盛興盛不敢  
發言祐聞以告遙光遙光大怒乃稱敕見眺仍回車  
付廷尉與徐孝嗣祐暄等連名啓誅眺曰謝眺資性  
險薄大彰遠近王敬則往構凶逆微有誠効自爾昇  
擢超越倫伍而谿壑無厭著於觸事比遂扇動內外

處處姦說妄貶乘與竊論官禁間謗親賢輕議朝宰  
醜言異計非可具聞無君之心旣著共棄之誅宜及  
臣等參議宜下北里肅正刑書詔公等啓事如此眺  
資性輕險久彰物議直以彫蟲薄伎見齒衣冠昔在  
者宮構扇蕃邸日夜縱諛仰窺俯畫及還京師翻自  
宣露江漢無波以爲已功素論於茲而盡縉紳所以  
側目去夏之事頗有微誠賞擢曲加踰邁倫序感悅  
未聞陵競彌著遂復矯構風塵妄惑朱紫詆貶朝政  
疑間親賢巧言利口見醜前志涓流纖孽作戒遠圖



宜有少正之刑以申去害之義便可收付廷尉肅明  
國典又使御史中丞范蚰奏收眺下獄死時年二十  
六眺初告王敬則敬則女為眺妻常懷刀欲報眺眺  
不敢相見及為吏部郎沈昭略謂眺曰卿人地之美  
無忝此職但恨今日刑于寡妻眺臨敗歎曰我不殺  
王公王公由我而死

眺好獎人才會稽孔顛粗有才筆未為時知孔珪嘗  
令草讓表以示眺眺嗟吟良久手自折簡寫之謂珪  
曰士子聲名未立應共獎成無惜齒牙餘論其好善

如此眺及殷儼素與梁武以文章相得帝以大女末  
與公主適儼子鈞第二女末世公主適眺子謨及帝  
為雍州二女並暫隨母向州及武帝即位二女始隨  
內還武帝意薄謨又以門單欲更適張弘策子策卒  
又以與王志子諲而謨不堪歎恨為書狀如詩贈主  
主以呈帝甚蒙矜歎而婦終不還尋用謨為信安縣  
稍還王府諮議時以為沈約早與眺善為制此書云

癸丑正月假栴敬所汲古閣景宗本按在吳克序刻本上今公卷

所來山中曰移錄於此洪儀跋已見吳刻不備錄  
癸亥八月增補書  
于清泉吟社



郡志良吏列傳

謝眺字玄暉陽夏人少好學敷藻清麗明帝時以中書郎出為宣城內史每視事高齋吟嘯自若而郡亦告治初眺嘗有言烟霞泉石惟隱遁者得之宦遊而癖此者鮮矣及領宣城境中多佳山水雙旌五馬遊歷殆盡風流文采颺炳一時詩曰高閣常晝掩荒階少諍詞又云既懽懷祿情復叶滄洲趣其標致可想見之人至今稱謝宣城云

謝眺傳終

謝宣城集目錄

卷一

齊吏部尚書郎陳郡謝眺元暉

賦九首

酬德賦 并序

思歸賦 并序

七夕賦

高松賦

杜若賦

野鷺賦 并序



遊後園賦

臨楚江賦

擬宋玉風賦

樂歌

雲祭歌八首

迎神三言  
八章

世祖武皇帝四言  
三章

青帝三言  
三章

赤帝七言  
三章

黃帝五言  
三章

白帝九言  
三章

黑帝六言  
三章

送神三言  
五章

詩四諸凡首

侍宴華光殿曲水奉敕為皇太子作九章

三日侍宴華光殿曲水代人應詔十章

三日侍宴曲水代人應詔九章

卷二



雜曲 凡四十三首

隋王鼓吹曲十首

元會曲

郊祀曲

鈞天曲

右三曲  
頌帝功

入朝曲

出藩曲

校獵曲

凡三曲  
頌藩德

從戎曲

送遠曲

登山曲

泛水曲

右四曲

同沈右率諸公賦鼓吹曲名知成爲游五首

芳樹

當對酒

臨高臺

二首

巫山高

三首

有所思

二首



同江檀諸人賦雜曲名五首十一首

陽春曲

淶水曲

採菱曲

白雪曲

秋竹曲

未明樂十首

玉階怨一首

金谷聚一首

王孫遊一首

銅爵怨一首

江上曲一首

曲池之水一首

同謝諮議詠銅爵臺一首

卷三

雜詩五首凡四十三首

將發石頭上烽火樓一首

答王世子一首



謝宣城集卷之四  
四  
答張齊興一首

答王晉安一首

暫使下都夜發新林至京邑贈西府同僚一首  
始出尚書省

直中書省

觀朝雨一首

新亭渚別范零陵雲一首

之宣城郡出新林浦向板橋一首

始之宣城郡一首

宣城郡內登望一首

冬日晚郡事僚一首

後齋迴望一首

落日懷整一首

望三湖一首

遊山一首

賽敬亭山廟喜雨一首

祀敬亭山廟首

遊敬亭山一首



謝宣城集卷之四目錄  
賦貧民田一首

與江水曹至濱干戲一首

送江曹還遠館一首

送江兵曹檀主簿朱孝廉還上國

臨溪送別一首

將遊湘水尋句溪一首

忝役湘州與宣城吏民別一首

休沐重還丹陽道中一首

移病還園示親屬一首

出下館一首

遊東田一首

秋夜講解一首

秋夜一首

春思一首

治宅一首

冬緒羈懷示蕭諮議虞田曹劉江二常侍首

懷故人一首

夜聽妓二首



京路夜發一首

晚登三山還望京邑一首

高齋視事一首

郡內高齋閒望答呂法曹一首

卷四

雜詩四首 附六首

和蕭中庶直石頭一首 梁武帝附

直石頭 梁武帝

奉和竟陵王同沈右率過劉先生墓 朏

登山望雷居士精舍同沈右衛過劉先生墓

下作 竟陵王 蕭子良附

經劉瓛墓下 隨郡王蕭子隆附

虞炎奉和 錢謝文學一首 沈約附

柳惲奉和 十四同前 范雲附

沈約奉和 十五同前 王融附

離夜 江丞 王 江丞附 王常侍附

和沈右率諸君一首

沈虞諸人餞詩附



二十 和王長史臥病一首

十九 王臥疾詩意王秀之附

二十二 和沈祭酒行園一首

二十一 沈行園附約附

二十四 和江丞北戍瑯琊城江丞附

二十五 和徐都曹出新亭渚徐詩附

二十八 和劉繪書入琵琶峽望積布磯劉繪附

二十九 在郡臥病呈沈尚書沈詩附

三十一 和何議曹郊遊二首

三十二 和劉西曹望海臺二首

三十三 和王中丞聞琴一首

三十四 和伏武昌登孫權故城一首

三十五 夏始和劉潺陵一首

三十六 和宋記室省中一首

三十七 和王著作融八公山一首

三十八 和王主簿季哲怨情一首

三十九 和王主簿二首

四十 同王主簿有所思一首



四十一 落日同江儀曹照一首

四十二 和紀參軍服散得益一首

四十三 新治北窻和何從事一首

四十四 同羈夜集一首

卷五

雜詩四首

奉和隨王殿下十六首

詠風一首

詠竹一首

詠薔薇一首

詠蒲一首

詠兔絲一首

詠落梅一首

遊東堂詠桐一首

詠牆北梔子一首

同詠樂器三首

琴

琵琶

箎



同詠坐上器玩首首

烏皮隱几

竹櫝櫛盤

同詠坐上所見一物共十首首

席二首

幔

簾

竹火籠二首

鏡臺

燈

燭

詠邯鄲故才人嫁為厮養卒婦

詠鷓鴣

聯句見前首

阻雪一首

還塗臨渚一首

紀功曹中園一首

閑坐一首

侍筵西堂落日望鄉一首

祀敬亭山春雨一首

往敬亭路中一首



謝宣城集卷第一

增

蒲生行

逸附詩

范雲王融沈約附

教

為錄公拜揚州恩教

牋

拜中軍記室辭隨王牋

策文

齊敬皇后哀策文

一首

謝宣城集目錄終

謝宣城集卷第一

齊陽夏謝朓著

明新安汪士賢校

賦

酬德賦

并序

京本半葉  
未行每行十  
八字

右衛沈侯以冠世偉才春予以國士以建武二年予

將南牧見贈五言予時病既以不堪蒞職又不獲復

詩四年予忝役朱方又致一首迫東徧寇亂良無暇

日其夏還京師且事讌言未遑篇章之思沈侯之麗



藻天逸固難以報章且欲申之賦頌得其盡體物之  
旨詩不云乎無言不酬無德不報言旣未敢爲酬然  
所報者寡于德耳故稱之酬德賦其辭曰

嗟夫四時游之代序六龍驚而不息輕蓋靡于駁奔  
王衡勞于拊翼嗟歲晏之杪歡曾陰默以棲惻玄武  
伏於重介宛虹潛以自匿覽其物之用舍相羣芳之  
動植乎悴軀於華省理衣簪而自敕思披文而信道  
散忿懣於胸臆嗟民生之知用知莫深乎知己彼知  
已之爲深信懷之其何已牽弱之蔓延寄陵風於

松杞指曲蓬之直達固有憑於原泉彼排虛與躋實  
又相鳴於林沚興伐木於友生詠承筐于君子矧景  
行之在斯方寄言于同耻求相仁于積習寓神心于  
名理惟敦特之旅歲實興齊之二六奉武運之方昌  
覩休風之未淑龍樓儼而洞開梁邱煥其重複君奉  
筆於帝儲我曳裾於皇穆藉風雲之化景申遊好於  
蘭菊結德言而爲佩帶芳猷而爲服援雅範以自綏  
懿前修之所勗昔仲宣之發穎實中郎之倒屣及士  
衡之籍甚托壯武之高義有杞梓之貞心協丹采之



輝被伊吾人之陋薄雖黼藻之何寘惟風雅之未變  
知雲網之不廓譬曾棟之將傾必華棖之先落翳明  
離以上賓屬傳體於織葦周二輝而分崩擠九鼎於  
重壑雖魚鳥之欲安駭風川而迴薄微天道之布新  
嗟員首其焉託予窘迹以多媿塊離尤而獨處君紆  
組於名邦貽話言於川渚悵分手於東津望徂舟而  
延佇慮古今之為隔豈山川之云阻賴先德之龍興  
奉英靈之電舉事紫泥之密勿腰青綬而容與沾後  
惠以竭來竟卒獲其笑語我艤舟以命徒將泊徂於

刑夏既勗予以炯戒又引之以風雅若笙簧之在

雖舒憂而可假昔疢病於章濱思繼歌而莫寫恩靈  
降之未已奉京粉而作傳臨邦途之永陌懷予馬於  
騏馬望平津而出宿登崇岡而興賦顧歸憶之南迴  
引行鑣而東驅何瓌才之博侈申贈辭於萱樹指代  
匠而切偲比治素而引喻方含毫而報章迫紛埃之  
東驚釋末位以言歸忽乘驛以南赴連篇章之莫訓  
欲寄言於往句類殺翮之難矯似洞源之不注意搔  
搔以杼柚魂營營而馳驚爾腰戟於戎禁我拂劔於

訓疑訓



郎闡願同車以日夜城望昏而掩扉時遊盤以未極  
睽落景之徂輝若清顏之倏忽吝歡賞之多違排重  
闕一作關而休告知南館之有依驂職門以右轉僕望  
路其如歸忘清漏之不緩惜曉露之方晞聞夫君之  
東守地隱蓄而懷僊登金華之問道得石室之名篇  
悟寰中之迫脅欲輕舉而舍旃離寵辱於毀譽去天  
伐於腥膻忽攜手以上征躋中皇之脩迥巾帝車一作  
連之廣軾棹河舟一作洲之輕艇歷星街之熠燿浮天  
潢之嚶溟機九轉於玉漿練七明於神鼎吹萬化而  
不喧度千春之可並齊天地於倏忽安事人間之新  
婞哉

思歸賦

并序

夫鑿之積也無厚而納窮神之照心之徑也有域而  
懷重淵之深余少而薄遊身防方思俄然萬里晚  
自省諒非一塗何則此後闕

余菲薄以固陋受靈恩而不訾施鍾黃之沃若剖金  
符之陸離舟未濟而河廣途方遙而馬疲忽中寢而  
念厲魂申旦而九移昔受教於君子逢知己之隆盼



被名立之羽儀沾宦成之藻絢羗服義而不怠豈臨  
岐而喻變勢方迅於轉圓理好旋於奔電援弱葛而  
能升踐重岡而不眩信禔福之非已寧悔禍其如見  
大明廓以高臨吹萬忻而同悅跨神臯之沃衍奉英  
藩之睿哲承此屋一作之隆化踵芳塵之餘烈懷齷  
齷之褊心無夸毗之誕節竟伊鬱而不怡賴遐討於  
先哲紛吾生之遊蕩彌一紀而歷茲自下車於江海  
涉青春於是時睠重芒而引領望大夏而長思雖曲  
街之委陋猶寤寐而見之況神交而通夢眇河漢於

佳期爾乃眷言薄暮南眺悠然方整歸轡願受一  
考華城之直陌相洛浦之迴阡連飛薨於故友接閒  
館以懷僊臨南塲以藝藿寄北地而采蓮睇微英之  
霍霍望水葉之田田乃翦山木不日爲功非輪非奩  
去斷去龍夜索綯而繞繞旦乘屋而芄芄竹櫺踦區  
而經北繩開窈窕以臨東布茵蕭於踈棹織莢亂於  
迴櫺于是籬插芳槿門拂長楊園桃春發窻竹夏涼  
晨露晞而草馥微風起而樹香無芬菲以襲予空旖  
旎於都房恒離居以歲月庸銷落而徒傷我聞時命



有殖無遷徵事或在求理未甄譬豐草之區別隨霜  
露而天延背萱鮮於堂北尚幽幽而未捐苟外物以  
能惑亦在應而無騫况朝霞之采可嚙瓊扉之飾方  
宜養以虛白之氣悟以無生之篇豈加璧之贈可動  
執珪之位能纏歸來薄暮聊以永年

○○○ 七夕賦

奉護軍  
王命作

金祗司矩火曜方流素鐘登御夷律鳴秋朱光既夕  
涼雲始浮盈多霽霽升明月之悠悠步廣階而延膝  
屬天媛之淹留嗟斯靈之淑景招好仇於服廂邁姮  
娥而擢質凌瑤華而擅芳厭白玉以爲飾霏丹霞而  
爲裳廻龍駕之容裔亂鳳筦之淒鏘騰燭光於西極  
命二妃於瀟湘軾帝車而捐玦凌天津而上翔悵漢  
渚之夕漲忻河廣之既梁臨瑤席而宴語綿含睇而  
娥揚嗟蘭夜之難永泣會促而怨長息織阿之方駕  
吝長庚之末光撫鳴琴而脩悅浩安歌而自傷歌曰  
絃愴兮桂觴酬雲幄靜兮香風浮龍鑣蹠兮玉鸞  
整睠星河兮不可留分雙袂之一斷何四氣之可周  
斯乃嚮像恍惚彷彿幽曖耳之無聞目之無績故鐘



鼓聞而延予隱白日沉而季後對豈形器之所求亦  
理將其如昧君王壯思風飛冲情雲上顧楚詩而縱  
轡瞻蘭書而競爽實研精之多暇聊餘日之駘蕩賦  
幽靈以去惑排視聽而玄往晒陽雲於荆夢賦洛篇  
於陳想乃澄心而開邪庶綢繆於茲賞

高松賦 奉司徒竟陵王教作

閱品物於幽記訪叢育於祕經巡汜林之珍望識斯  
松之最靈提於巖以羣茂臨於水而宗生豈榆柳之  
比性指真椿而等齡若夫修榦垂陰喬柯飛穎望肅

肅而既聞即微微而方靜懷風音而送聲當月露而  
留影既芊眠於廣隰亦迢遞於孤嶺集九僊之羽儀  
棲五鳳之光景固松木之為選貫山川而自永爾乃  
青春受謝雲物含明江臯綠草暖然已平紛弱葉而  
凝照競新藻而抽英陵翠山而如剪施懸蘿而共輕  
至於星迴窮紀沙鴈相飛同雲映其無色陽光沉而  
滅暉卷風飈之吸歛積霰雪之嚴霏豈彫真於歲暮  
不受令於霜威若乃體同器制質兼上才夏書稱其  
岱畎周篇味其徂徠乃屈已以弘用構大壯於雲臺



謝宣城集卷一  
幸爲玩於君子留神心而顧懷君王乃徙讌蘭室解  
佩明椒搴幽蘭於夕陰詠聳幹於琴朝陵高丘以致  
思御風景而逍遙夷黻冕之隆貴懷汾陽之寂寥邈  
道勝於千禩蘊神理而自超夫江海之爲大實涓滄  
之所歸瞻衡恒之峻極不讓壤於塵微嗟孤陋之無  
取幸聞道於清微理弱羽於九萬愧不能今奮飛

○○○ 杜若賦

奉隨王教作時年  
二十六於坐獻

憑瑤圃而宣游臨水木而延佇柳含色於遠岸泉鏡  
流於枉渚蔭綠竹以淹留藉幽蘭而容與覽茲榮之  
悅茂紛爲芳於清籟觀夫結根擢色發曜垂英綠春  
巒以織布蔭涼潭而影清景奕奕以四照枝靡靡而  
葉傾晷霜蹊以獨蒨當春郊而逕平寒汀洲以企予  
懷石泉於幽情嗟中巖之織草廁金芝於芳叢夕舒  
形於溽露旦發彩於春風承羲陽之光景庶無悲於  
轉蓬

○○○ 野鷺賦

并序

有門人斃一野鷺因以爲獻予時命以登俎用待賓  
客客有愛其羽毛請予爲賦其詞曰



夫何羅人之伎巧薦江海之逸禽落摩天之迅羽絕  
歸飛之好音碎文錦之丹臆裂雕綺之翠襟孤雛驚  
以靡翼饑雌叫而莫尋越滄流以遠致乃交貿以兼  
金因閤寺以傳請排邃戶以重深貴敷社以取愛願  
登俎以甘心

○○○遊後園賦

積芳兮選木幽蘭兮翠竹上蕪蕪以蔭景下田田兮  
被谷左蕙畹兮彌望右芝原兮寫目山霞起而削成  
水積明以經復於是敞風閨之藹藹聳雲館之茗茗

周步欄以升降對玉堂之沈寥追夏德之方暮望秋  
清之始飈藉宴私而遊衍時寤語而逍遙爾乃日棲  
榆柳霞照夕陽孤蟬以散去鳥成行惠氣湛兮帷殿  
肅清陰起兮池館涼陳象設兮以玉瑱紛蘭藉兮咀  
桂漿仰微塵兮美無度奉英軌兮式如璋藉高文兮  
清談預會毫兮握芳則觀海兮爲富乃游聖兮知方

○○○臨楚江賦

爰自山南薄暮江潭滔滔積水裊裊霜嵐憂與憂兮  
竟無際客之行兮歲已嚴爾乃雲沉四岫風蕩中川



詩宣城集卷一  
九  
馳波鬱素駭浪浮天明沙宿莽石路相懸於是霧隱  
行鴈霜眇虛林迢迢落景萬里生陰列攢笳兮極浦  
弭蘭鷁兮江潯奉王罇之未暮滄勝之芳音願  
光兮秋月庶永照於遺簪

○○○ 擬宋王風賦

奉司徒  
教作

起日域而搖落集桂宮而送清開翠帳之影藹響行  
珮之輕鳴揚淮南之妙舞發齊后之妍聲下鴻池而  
蓮散上雀一作臺而雲生至於新虹明歲高月照秋  
醉儀迺豫冲想雲浮鄒馬之賓咸至申穆之醴已酬

朝役登樓之詠夕引小山之謳厭朱邸之沉邃思輕  
舉而遠游驪驪之馬魚躍飄鑿車而水流此乃宋王  
之盛風也若夫子雲寂寞叔夜高張煙霞潤色荃蕙  
結芳出礪幽而泉冽入山戶而松涼眇神至於丘壑  
獨起起遠於孤觴斯則幽人之風也

樂府

○○○ 雩祭歌八首

建武二年  
明堂辭

迎神

清明暢禮樂新候龍景選貞辰其陽律元陰晷伏耕



下上荐種稔其宸儀警王度宜瞻雲漢望旻天其張

盛樂奏雲儷集五精延帝祖其雲有諷崇有秩秬鬯

芬圭瓚其靈之來帝闔開車煜燿吹徘徊其停龍

轡徧觀此凍雨飛祥雲靡其壇可臨奠可歆對聃社

鑒皇心

○○○○ 右八章章四句句三言

世祖武皇帝

濟哲維祖長發其武帝出自震重光御寓七德攸宣

九疇咸叙靜難荆衡凝威蠡浦其昧且不承夕惕刑

政化一車書德馨燦盛昭星夜景蜚雲曉慶衢室成

陰壁水如鏡其禮充玉帛樂被匏絃於鑠在詠陟配

於天自宮徂兆靡愛牲牲我將我享永祚豐年

○○○○ 右三章章八句句四言

青帝

營翼日鳥殷霄凝冰泮玄蟄昭其景陽陽風習習女

夷歌東皇集其奠春酒秉清珪命田祖渥羣黎

○○○○ 右三章章四句句三言

赤帝



惟此夏德德恢台兩龍在御炎精來其火景方中南  
譌秩靡草云黃含桃實其族雲翳鬱温風扇與雨祁  
祁黍苗遍

右三章章二句句七言

黃帝

稟火自高明毓金挺剛克涼燠資成化羣芳載厚德  
其陽季勾萌達炎徂溽暑融商暮百工止歲極凌陰  
冲其泉流疏已清原隰甸已平咸言祚惟億敦民保  
高京

右三章章四句句五言

白帝

帝說于兌執矩固斯藏百川收潦精景應金方其嘉  
樹離披榆闕命賓鳥夜月如霜金風方嫋嫋其商陰  
肅殺萬寶咸亦道勞哉望歲場功集可收

右三章章二句句九言

黑帝

白日短玄夜深招搖轉移太陰霜鐘鳴冥陵起星迴  
天月窮紀其聽嚴風來不息望玄雲黝無色曾冰裂



積羽幽飛雪至天山側其關梁閉方不巡合國吹響  
蜡賓統微陽究終始百禮洽萬祚臻

右三章章四句句六言

送神

敬如在禮將周神之駕不少留其躍龍鑿轉金蓋紛

上馳雲之外其警七曜詔八神排閭闔渡天津其有

滄輿膚寸積雨真真又終夕其俾棲糧維萬箱皇情

暢景命昌

右五章章四句句三言

詩四言詩

侍宴華光殿曲水奉敕為皇太子作

旁求還古述聽鴻名大寶曰位得一為貞朱祿叶祉

綠字摘英升配同貫進讓殊聲

大橫將屬會昌已命國步中徂宸居膺慶璽劍先傳

龜玉增映宗堯有緒復禹無競

禮行郊社人神受職寶效山川鱗羽變色玄塞北靡

丹徼南極浮毳駕風飛一作非泳登一作非陟

能官民秀利建天跼枵藟列野營絳分區論思帝則



獻納宸樞麟趾方一作公定鵜翼誰濡

西京藹藹東都濟濟秋祓濯流春禊浮醴初吉云獻

上除方啓昔駕陽頻一作類今帳雲陛

嘉樂舊矣芳宴在斯載留神矚有睟天儀龍精已映

威仰未移葉依黃鳥花落春池

高殿弘敞禁林稠密青嶝崛起丹樓間出翠葆隨風

金戈動日惆悵清管徘徊輕佞

灞澹入筵河淇流昨海一作若來往觴肴泔沂一作谷

歡飫終日一作有終清光欲莫輕貂回道一作首華組徐步

登賢博望獻賦清漳漢貳稱敏魏兩一作兩垂芳監撫

有則七鬯無方瞻言守器永愧元良

○○○三日侍華光殿曲水宴代人應詔

羣分未辨類聚茲式天睠休明且求至德御繁實簡

制動惟默官府百王衣裳萬國

中葉遭閔副內多違悠悠靈貺爰有適歸於昭睿後

撫運天飛凝居中縣神動外畿

懸象著明離光乃位我有儲德徽猷淵備長壽察書

龍樓迴轡重道上庠行遵儒肆



朝陽有幹布葉萋萋思皇威矣鷄羽高棲出馳先輅  
入秉介珪瞻秦望井建魯分奎

求賢每勞得士方逸有覺斯順無文咸秩萬箱惟重  
百緩載卹屈草戒諛階冀紀日

文教已肅武節旣馳榮光可照合璧如規載懷姑射  
尚想瑤池濯龍乃飾天淵在斯

作樂順動實符時義上春初吉亦留淵寄紅樹巖舒

青莎一作蘓水被雕梁虹拖雲霓鳥跂

高懸甲帳周塞黼帷長筵列陛激水旋墀浮醪聚蟻

靈蔡呈姿河宗躍跼海介夔跣

弱腕纖腰遷延妙舞秦箏趙瑟殷勤促柱降席連綬  
稱觴接武稽首萬年獻茲多祜

天地旣成泉流旣清薄暮沾幸屬奉文明將標齊配  
刻掃秦京願馳龍漠飲馬懸旌

○○○ 三日侍宴曲水代人應詔

神理內寂機象外融遺情汾水垂冕鴻宮樹以司牧  
匪我求蒙徒勤日用誰契玄功

往晦必明來碩資蹇於皇克聖時乘御辯寶曆載暉



瑤光重踐昭昭舊物熙熙遷善

當宁日昃求衣未明抵壁焚翠銷劍墮城九疇式序

三辟再清虞箴罔闕矇奏傳聲

麗景則春儀方在震重聖積厚金式瓊潤天爵必諧

王臣咸蓋譬諸華霍惟邦之鎮

正朔葱瀚冠冕邛越爭長明堂相超魏闕龜象南薦

環裘西發巢閣易窺馴庭難狝

上巳惟昔于彼禊流板穢河許張樂春疇既停龍駕

亦泛鳧舟靈宮備矣無待茲遊

初鸞命曉朝霞

一作華

開夜飾陞道源迴伊流瀚極望

天淵曲阻亭榭閒館巖敞長廊水架

金觴搖蕩玉俎推移筵浮水豹席擾雲螭寥亮琴瑟

嗽眺塤篴歡茲廣讌穆穆天儀

周道如砥康衢載直徒愧玄黃負恩無力華輶徒駕

長纓未飾相彼失晨寧忘鼓翼

謝宣城詩集卷第一

癸亥八月二十日攝景室本按時方養  
府在陽台山清泉吟社沈村記



謝宣城集卷第二

齊 陽夏謝朓著

明新安汪士賢校

雜曲

隋王鼓吹曲十首

○○○ 元會曲

二儀啓昌曆三陽應慶期珪贄紛成序鞮譯憬來思

分階葩組練充庭羅翠旗觴流白日下吹溢謚一作景

雲滋天儀穆藻殿萬寓壽皇基



○○○ 郊祀曲

六宗禋配岳嶽五峙奠甘泉整蹕遊九闕清簫開八埏  
鏘鏘玉鑾動溶溶金障旋郊宮光已屬升柴禮既虔  
福響靈一作雲之集南岳固斯年

○○○ 鈞天曲

高宴顛天臺置酒迎風觀笙鏞禮百神鍾石動雲漢  
瑤堂琴瑟驚綺席舞衣散紫鳳來參差玄鶴至凌亂  
已慶明庭樂誰想南風彈

○○○ 入朝曲

江南佳麗地金陵帝王州迢迢帶綠水迢遞起朱樓  
飛甍夾馳道垂楊蔭御溝凝笳翼高蓋疊鼓送華輜  
獻納雲臺表功名良可收

○○○ 出藩曲

雲枝紫薇內分組承明阿飛艤遡極浦旌節去關河  
眇眇蒼山色沉沉寒水波鏡音巴渝曲簫鼓盛唐歌  
夫君邁惟德江漢仰清和

狡獵曲

凝霜冬十月殺盛涼飈開原澤曠千里騰騎紛往來



平且望煙合烈火從風迴殪獸華容浦張樂荆山臺

虞人昔有諭明明時戒哉

○○○○ 從戎曲

選旅辭輾轅弭節赴河源日起霜戈照風迴連騎翻

紅塵朝夜合黃沙萬里昏寥戾清笳轉蕭條邊馬煩

自勉輟耕願征役去何言

○○○○ 送遠曲

北梁辭歡宴南浦送佳人方衢控龍馬平路騁朱輪

瓊筵妙舞絕桂席羽觴陳白雲丘陵遠山川時未因

一為清吹激潺湲傷別巾

○○○○ 登山曲

天明開秀萼瀾光媚碧堤風盪飄鶯亂雲行芳柳低

暮春春服美遊駕凌丹梯升嶠既小魯登巒且悵齊

王孫尚游衍蕙草正萋萋

○○○○ 泛水曲

玉露沾翠葉金風鳴素枝罷遊平樂苑泛鷁昆明池

旌旗散容裔簫管吹參差日晚厭遵渚採菱贈清漪

百年如流水寸心寧共知



○○○ 同沈右率諸公賦鼓吹曲名先成為次

○○○ 芳樹

早翫華池陰復鼓滄洲柅椅芳若斯歲蕤紛可繼  
霜下桂枝銷怨與飛蓬逝不厠王盤滋誰憐終委細  
○○○ 同前 沈右率約 沈約

發萼九華嶺開跗寒路側氤氳非一香參差多異色  
宿昔寒飈舉摧殘不可識霜雪交橫至對之長歎息  
○○○ 同前 王融

相望早春日煙花雜如霧復此佳麗人含情一作結  
芳樹綺羅已自憐萱風多有趣去來徘徊者佳人不  
可遇

○○○ 當對酒

范通直雲 范雲

對酒心自足故人來共持方悅羅襟解誰念髮成絲  
徇性良為達求名本自欺迨君當歌日及我傾罇時  
○○○ 臨高臺 時為隋 王文學  
眺時為隨王文學

千里常思歸登臺瞻一作綺翼纔見孤鳥還未辯連

山極四面動清風朝夜起寒色誰知倦遊者嗟此故  
鄉憶



臨南前

約

沈約

高臺不可望望遠使人愁連山無斷絕河水復悠悠

所思暖何在洛陽南陌頭可望不可至何用解人愁

巫山高

王尹丞融

彷彿巫山高薄暮陽臺曲煙雲乍舒卷猿鳥時斷續

彼美如可期寤言分在矚憮然坐相望秋風下庭綠

同前

范雲

巫山高不極白日隱光輝靄靄一作朝雲出一作冥

冥暮雨歸巖懸獸無迹林暗鳥疑飛枕席竟誰薦相

望空依依

巫同前

繪

劉繪中書

高唐與巫山參差鬱相望灼爍在雲間氛氲出霞上

散雨收夕臺行雲卷晨帳本作出沒不易期嬋娟似

一作惆悵

有所思

劉中書繪

劉繪

別離安可再而我更重之佳人不相見明月空在帷

共銜蒲堂酌獨歛向隅眉中心亂如雪寧知有所思

有同前

融

范雲

下接謝朓芳



如何有所思而無相見時夙昔夢顏色階庭尋履綦

高歌一作張更何已引蒲終自持欲知憂能老為視鏡

中絲

○○○ 同賦雜曲名

○○○ 陽春曲

檀秀才

青雲獻初歲白日映雕梁蘭萌猶自短柳葉未能長

已見花紅發復聞花蘂香樂此試遊衍誰知心獨傷

○○○ 綠水曲

江朝請

塘上蒲欲齊汀洲杜將歇春心既易蕩春流豈難越

桂棹及晚風菱影映初月芳香若可贈為君步羅襪

○○○ 採菱曲

陶功曹

朝日映蘭澤乘風入桂嶼棹影已流倡輕舟復容與

勿遽佳期移方追明月侶採採詎盈掬還望空延佇

○○○ 白雪曲

朱孝廉

凝雲沒霄漢從風飛且散聯翩下幽谷徘徊依井幹

既興楚客謠亦動周王歎所恨輕寒早不待陽春且

○○○ 秋竹曲

時為宣城守

眺時為宣城守

媿娟綺窻北結根未參差從風既裊裊映日頗離離

此首在秋竹



謝宣公集卷二  
欲求棗下吹別有江南枝但能凌白雪貞心蔭曲池

○○○○永明樂十首

帝圖閏九月皇風浮四溟永明一爲樂咸池無復靈

○○○○其二

民和禮樂富世清歌頌徽鴻名軼卷領稱首邁垂衣

○○○○其三

朱臺鬱相望青槐紛馳道秋雲湛甘露春風散芝草

○○○○其四

樓日月照淄館風雲清儲光溫似玉藩度式如瓊

○○○○其五

化洽鯤海君恩變龍庭長西北鷺環裘東南盡龜象

○○○○其六

出車長洲苑選旅朝夕川絡絡結雲騎奕奕泛戈船

○○○○其七

燕駟遊京洛趙服麗有輝清歌留上客妙舞送將歸

○○○○其八

實相薄五禮妙花開六塵明祥已玉燭寶瑞亦金輪

○○○○其九



竹校  
作斤  
宗

生茂萍蘿性身與佳惠隆飛纓入華殿履步出重宮

○○○○ 第十

彩鳳鳴朝陽玄鶴舞清商瑞此永明曲千載為金星

○○○○ 王階怨

夕殿下珠簾流螢飛復息長夜縫羅衣思君此何極

○○○○ 金谷聚

渠碗送佳人王杯邀上客車馬一東西別後思今夕

○○○○ 王孫遊

綠草蔓如絲雜樹紅英發無論君不歸君歸芳已歇

○○○○ 銅爵悲

落日高城上餘光入綈帷寂寂深松晚寧知琴瑟悲

○○○○ 江上曲

易陽春草出踟躕日已暮蓮葉尚田田淇水不可渡

願子淹桂舟時同千里路千里既相許桂舟復容與

江上可采菱清歌共南楚

○○○○ 曲池之水

緩步遵莓渚披襟帶蕙風芙蓉舞輕帶包筍出芳叢

浮雲自西北江海思無窮鳥去能傳響見我綠琴中

綠琴一作測琴



○○○ 同謝諮議詠銅爵臺

總帷飄井幹  
罇酒若平生  
鬱鬱西陵樹  
詎聞歌吹聲  
芳襟染淚迹  
嬋娟空復情  
王座猶寂寞  
况乃妾身輕

八月廿日避居清水院  
核定此卷